



Rede Defensór Direitos Umanus (RDDU)

Rua: Faról, Dili Karaketu, Timor-Leste

Nu.telefóne (+670) 77345564 / 7759596

KOMUNIKADU IMPRENSA

REDE DEFENSÓR DIREITUS UMANUS (RDDU) ESTADU TENKE SÉRIU TRATA TREJEDIA KULUHUN DE BAIXO

“Familia vítima sira konsidera Estadu koko haluha no ignora trajedia Kuluhun de Baixo”

Rede Defensór Direitos Umanus (RDDU) kompostu husi organizasaun sosiedade sivil ne'ebé servisu tau matan ba dezenvolvimentu direitu umanus iha Timor Leste¹. RDDU ne'e estabesele ho mandatu atu kontribui no tau matan ba kazu alegasaun violasaun direitus umanus ne'ebé envolve membru forsa seguransa F-FDTL no Polísia Nasionál Timor Leste.

Dezde RDDU ne'e estabesele, RDDU rejista ona kazu alegasaun violasaun direitu umanus ne'ebé envolve membru Forsa Defeza no Polísia Nasionál Timor Leste hahú husi 2016 mai too 2018 maizumenus total kazu hamutuk 39 inkluidu kazu Kuluhun de Baixo ne'ebé akontese iha fulan haat kotuk. Husi total kazu sira ne'e, RDDU nota katak kazu alegasaun violasaun direitu umanu sira ne'e kontinua laiha prosesu ida ne'ebé sériu atu nune'e bele iha akuntabiliade ba violasaun sira ne'ebé akontese iha pasadu.

RDDU hare katak trajédia Kuluhun de Baixo, ne'ebé rezulta juventude inosente na'in tolu mate iha fatin no na'in lima seluk kanek todan, hanesan krime ka violasaun kontinuasaun husi violasaun sira ne'ebé akontese iha pasadu ne'ebé seidaun iha prosesu justisa, akuntabilidade ba autór sira ne'ebé envolve no komete iha krime sira ne'e.

¹ Asosiasaun HAK, Judicial System Monitoring Programm, AJAR, Acbit, ALFeLa, CBR-Networking, BELUN, FUNDASAUN MAHEIN, CODIVA, AHMDTL no La hamutuk.

RDDU hare katak violasaun sira ne'e kontinua akontese tanba Estadu rasik la sériu atu rezolve problema sira ne'e. RDDU mós simu informasaun husi família vítima trajédia Kuluhun de Baixu liuliu vítima na'in lima ne'ebé ate agora (maizumenus dezde trajédia ne'e akontese, fulan haat nia laran ona) sira nia situasaun no kondisaun ne'ebé kontinua sai aat liután iha risku laran tanba vítima sira ne'e ladún hetan tratamentu ne'ebé di'ak husi Ospital Nasionál Guido Valadares.

Família vítima sira sente lakontente no lamenta tebe-tebes tanba sira sente hanesan estadu/governu koko atu haluha no ignora sira hanesan Timor oan ida ne'ebé sai vítima husi asaun ajente estadu-membru Polísia Nasionál Timor Leste.

Hare ba preokupasaun, lamentasaun sira no ignoransia sira ne'e RDDU hamutuk ho família vítima sira hakarak ezije ba:

1. Husu ba Primeiru Ministru atu hare trajédia Kuluhun de Baixu ne'e ho sériu liu-liu ba vítima na'in lima ne'ebé fulan haat ona laiha tratamentu ida ne'ebé dignu no sériu husi Ospital Nasionál Guido Valadares nune'e afeta tebes ba kondisaun vítima na'in lima no sai risku boot ba sira. Tanba ne'e ami husu ba Primeiru Ministru atu orienta no hasai despaxu ida ba Ministériu Saúde imediatamente hodi haruka vítima na'in lima halo tratamentu iha Ospital rai li'ur hodi bele salva sira husi risku no situasaun ne'ebé sira hasoru; Ami haree katak moras ne'ebé vítima sira sofre agora, iha risku ba sira nia vida iha kada oras no lora, nune'e Ospital Nasionál preziza tau atensaun másimu ba vítima sira no di'ak liu tan bele lori ba halo tratamentu iha li'ur.

(vítima na'in lima nian naran ho sira nia kondisaun:

- 1) Lucio do Carmo: Lakon rins karuk
 - 2) Terezinha Vila Nova Pacheco: Liman ruin parte los-sai kle'uk, labele halo movimentu, komesa dois ona tanba infeksaun;
 - 3) Paulino de Jesus: Bala musan sei iha vítima nia isin lolon (parte fuan) to'o agora seidak bele hasai;
 - 4) Pinto Gama- Sente moras no invensaun ha parte.....?
 - 5) Agripino da Costa.....?
2. Ministériu Públiku (MP) atu ho aselera prosesu investigasaun nune'e bele halo akuzasaun lalais ba autór sira ne'ebé envolve iha krime violasaun trajédia Kuluhun de Baixu hodi hamate juventude na'in tolu no na'in lima seluk ne'ebé kanek todan;

3. Husi rezultadu audiénsia entre família vítima ho Ministériu Defeza no Seguransa Filomino Paixao, iha audiénsia ne'e Exelénsia Ministru promete ba família vítima sira katak Ministériu Defeza sei lori no apresenta kestaun no preokupasaun família sira nian liu-liu kestaun kona-ba kompensasaun ba vítima sira ba Konsellu Ministru, tanba ne'e Ami husu ba Ministériu Defeza no Seguransa no Ministru Interinu Interior, atu konsistensia no halo tuir promesa sira ne'e. Tanba RDDU no familia vítima sira konsidera kompensasaun nu'udár aktu ka medida prevensaun ida ba autóridade seguransa sira atu halo violénsia no halakon ema nia vida tuir sira nia hakarak de'it ne'e bele asegura katak faluk no oan kiak sira la simu terus todan tebes iha sira nia moris seim aman no la'en ida;
4. Ami mos husu ba Governu atu fornese nesesidade ba faluk no oan kiak sira ne'ebé nia aman husik hela tanba oho husi membru PNTL iha trajédia Kuluhun de Baixo.

Dili, 18 Marsu 2019

Koordenadór RDDU

Innocence Xavier